

## **Kommunestyret sitt budsjettvedtak for årsbudsjett 2024 og økonomiplan 2025-2027**

- 1.** Kommunestyret vedtek årsbudsjett 2024 og økonomiplan for åra 2025 – 2027 slik det ligg føre/med desse endringane:
- 2.** Kommunestyret vedtek i samsvar med innstilling frå kontrollutvalet følgjande budsjetttramme for kontroll og tilsyn i kommunen: kr 1 586 000.
- 3.** Skattøre vert sett lik maksimal sats i samsvar med Stortinget sitt vedtak om kommunale skattøre.
- 4.** Kommunestyret vedtek følgjande **eigedomsskattevedtak**:
  - a.** I medhald av eigedomsskattelova §§ 2 og 3 bokstav a) skal følgjande utskrivingsalternativ for eigedomsskatt nyttast for skatteåret 2024: Eigedomsskatt på faste eigedomar i heile kommunen.
  - b.** Kommunar som til og med år 2018 skreiv ut skatt på kategorien verk og bruk, kan frå 2019 til og med 2024 vedta å skriva ut skatt på eit særskild fastsett grunnlag. Grunnlaget er differansen mellom ny takst for objekta frå 2019 og skattegrunnlaget i 2018: Det vert skrive ut skatt på det særskilde skattegrunnlaget som skal vere lik ein sjuandedel av differansen mellom eigedomsskattegrunnlaget i 2018 og 2019, i 2024. (overgangsregel til eigedomsskattelova §§ 3 og 4 første ledd første pkt).
  - c.** Skattesatsen vert sett til 2,7 ‰ av takstverdet for bustader og fritidseigedomar. Skattesatsen vert sett til 3,0 ‰ av takstverdet for næringsseigedom og ubebygd grunneigedom. Skattesatsen på det særskilde grunnlaget vert sett til 3,0 ‰.
  - d.** I medhald av eigedomsskattelova § 7a og b gir kommunestyret fritak for eigedomsskatt for 2024 til eigedomar tilhøyrande stiftingar eller institusjonar som tek sikte på å gagne ein kommune, eit fylke eller Staten og eigedomar av historisk verdi. Dei eigedommane som etter eigedomsskattelova § 7 har fått fritak i tidlegare år får fritak for eigedomsskatt i 2024.
  - e.** Ved utskriving av skatt på bustadeigedommar nyttar kommunen skatteetaten sitt formuesgrunnlag for dei bustader kor dette er berekna (eigedomsskattelova 8 C-1)
  - f.** Takstar som følgje av almen taksering gjennomført i 2022 skal nyttast på alle eigedommar som ikkje er omfatta av skatteetaten sitt formuesgrunnlag.
  - g.** Ved taksering og utskriving av eigedomsskatt nyttar kommunen tidlegare vedtekne skattevedtekter.
  - h.** Eigedomsskatten skal betalast i 4 terminar.
- 11.** Budsjettpostar i kommunedirektøren sitt framlegg vert justert etter dette oppsettet: (i heile 100 kroner):
- 12.** Kommunestyret ber om at det gjeve ein status på arbeid med «Helt med» i Bømlo kommune, med eit mål om å ta i bruk tiltaksplassane me kan få gjennom dette prosjektet.
- 13.** Kommunestyret ber om ei utgreiing av byte av pensjonsleverandør for Bømlo kommune. Denne skal gjennomførast før budsjetttrunden for 2025. (Vedteke mot fem røyster - Thomas Kråkevik-Liaøy (Ap), Siv Linda Vespestad (Ap), Mari Pedersen Totland (Ap), Sverre Hagerup Sørensen (Ap) og Unni Seim (SV).
- 14.** Kommunestyret ber om ein gjennomgang av eigedomsporteføljen til Bømlo kommune. Det skal vurderast sal av eigedomar som ikkje er i bruk, inkludert kommunale kaier. (Vedteke mot fem røyster (Joar Nesse (INP), Bente Spissøy (INP), Jan Atle Haugland (INP), Hans Eidesvik (INP) og Unni Seim (SV)

15. Kommunestyret ber om ei sak der det vert greia ut om det er føremålstenleg å nytta kommunal vikarpool for helse og skule.
16. Kommunestyret ber om ei sak der det vert greia ut om det mogleg at seniorar som ønskjer det, kan stå lenger i arbeid, anten som ekstraressurs eller i fast stilling.
17. Kommunestyret ber om ei vurdering av om kommunale verksemder som Viergo AS og Basen i større grad kan nyttast i kommunal tenesteproduksjon, til dømes i tekniske tenester og uteseksjon.
18. Innsparing som kjem som følgje av endrings- og effektiviseringsprosessar skal nyttast til å betra det økonomiske handlingsrommet til kommunen.
19. Kommunestyret ber om at budsjettprosessen vert lagt om slik at politisk nivå blir tidlegare og meir involvert, allereie etter første tertialrapport. Kommunestyret ber kommunedirektøren koma tilbake med eit forslag til korleis dette kan gjerast. Det er dømer på slike prosessar i Vaksdal kommune og i Vestland fylkeskommune.
20. Kommunestyret ber om ei oversikt over ikkje-lovpålagte oppgåver/tenester i kommunen. Denne skal vera klar i løpet av våren 2024.
21. Kommunestyret ber om ei utgreiing, anten som ei eiga sak, eller i kommunedelplanen om idrett, kultur og frivilligheit, om korleis me på best mogleg måte kan ivareta utbygging og forvaltning av idretts- og nærmiljøanlegg i heile kommunen. Det er naturleg å sjå på om Sentralidrettsanlegget AS i større grad kan vera involvert i fleire prosjekt, eller om det skal lagast eitt eller fleire nye selskap som jobbar for same interesser.
22. Ved utarbeiding av kulturplanen ber me om at det vert gjort ei heilskapleg vurdering av korleis den økonomiske støtta frå kommunen vert fordelt mellom ulike lag, organisasjonar og aktørar.
23. Kommunestyret ber om at det frå kommunen si side vert arbeidd med å få til ein «bygdabuss», eventuelt ei «ringrute» mellom, eller i, bygdene.
24. Reduksjonen på 0,2 % i driftsbudsjettet kan fordelast ulikt på seksjonane. Administrasjonen legg fram forslag og rapporterer til formannskapet ved statusrapportering på drift.
25. Kommunestyret ber om at det blir utgreidd til revidert budsjett 2024 å auka stillinga for hovudverneombod for Bømlo kommune til heil stilling. Dette vil vera eit viktig tiltak for å sikra eit godt fysisk og psykisk arbeidsmiljø, for å redusera sjukefråværet og arbeida aktivt med heiltidskultur i kommunen
26. Kommunestyret ber om at det vert utgreidd korleis ein kan sikre eit godt logopedtilbod for vaksne, om mogleg i samarbeid med PPT-tenesta.

Framlegget frå Ragnfrid Sønstabø (H) på vegne av koalisjonen H, KrF og Frp pkt. 1-11 vart sett opp mot kommunedirektørens sitt framlegg pkt. 1-10. Framlegget frå Ragnfrid Sønstabø (H) vart vedteke mot seks røyster (Thomas Kråkevik-Liaøy (Ap), Siv Linda Vespestad (Ap), Mari P. Totland (Ap), Sverre H. Sørensen (Ap), Leif C. Andersen (Sp) og Unni Seim (SV). Dei gjekk for kommunedirektøren sitt punkt 3. c: Skattesatsen vert sett til 3,2 % av takstverdet for bustader og fritidseigedomar. Skattesatsen vert sett til 3,4% av takstverdet for næringseigedom og ubebygd grunneigedom. Skattesatsen på det særskilde grunnlaget vert sett til 3,4%.)

Verbalpunkta 12 og 15-26 vart samrøystes vedteke.